


PODACI O PROJEKTU

Projekat stvaranja savremenijeg investicionog okruženja: Implementacija online sistema registracije poslovanja u Federaciji Bosne i Hercegovine
Bosna i Hercegovina – Februar 2022



Schweizerische Eidgenossenschaft
Confédération suisse
Confederazione Svizzera
Confederaziun svizra

Ambasada Švicarske u Bosni i Hercegovini



KAKO STVORITI BOLJE PRIVREDNO OKRUŽENJE ZA INVESTICIJE?

POSLOVNO OKRUŽENJE U BIH

Zbog kompleksnog poslovnog regulatornog okruženja, uprkos dugotrajnim naporima, Bosna i Hercegovina je i dalje nesigurna i neprivaćna destinacija za domaće i strane investitore. Iako se sprovode reforme u cilju stvaranja povoljnije klime za rast privrednog sektora, BiH i dalje zaostaje za zemljama u regiji.

Inicijalni preduslov pokretanja poslovanja, tj. registrovanje preduzeća, je poslovna stavka koja se može bitno unaprijediti.

U vrijeme ekspanzije digitalnih servisa, vlasti na svim nivoima treba da iskoriste moderne informaciono-komunikacione tehnologije (IKT) kako bi osavremenile i pojednostavile poslovanje, uvele savremene prakse, te poboljšale interakciju sa biznis sektorom.

Poslovno okruženje bi trebalo biti transparentnije, efikasnije, predvidljivije i pouzdanije, sa modernim G2B digitalnim praksama koje su čvrsta osnova za dalji privredni rast.

Registracija preduzeća u BiH i dalje je pod okriljem sudova, uz učešće vladinih agencija na državnom i entitetskom nivou.

Najveći dio preduzeća u BiH su društva sa ograničenom odgovornošću (d.o.o.) čiji udio u ukupnom broju registrovanih preduzeća iznosi oko 60 odsto. Iako se broj novoregistrovanih d.o.o. godinama povećava, stopa povećanja je najmanja u regionu i iznosi oko 1,13 odsto (stope u okruženju se kreću od 1,76 odsto u Srbiji do 6,7 odsto u Crnoj Gori).

U periodu od 2016-2020. godine, poslovno okruženje u Republici Srpskoj je bitno unaprijeđeno kroz digitalnu transformaciju registracije preduzeća, što je rezultiralo pokretanjem online sistema za registraciju u martu 2021. godine. Ovaj primjer slijedila je i Vlada Brčko Distrikta, koja je reformisala zakonodavstvo i u 2021. godini implementirala sistem za online registrovanje preduzeća.

Projektne aktivnosti će pružiti realnu osnovu za praćenje statusa kompanija od pokretanja poslovanja do poslovnih rezultata.

Evidentno je da je modernizaciju i digitalnu transformaciju poslovanja neophodno sprovesti i na tržištu Federacije Bosne i Hercegovine. Tako je nastao LIFE projekat (nedostaje mi neka poveznica, uvod?).

KLIK ZA REGISTRACIJU

“Implementacija online sistema registracije poslovanja u Federaciji Bosne i Hercegovine” je projekat kojim se žele unaprijediti birokratske procedure u oblasti odnosa vlada i biznisa (G2B). Implementacijom projekta će se bitno povećati transparentnost pružanja poslovnih usluga i stvoriti preduslovi za prosperitet i rast privrednog sektora uz koncept “klik za registraciju”.

Ovo podrazumijeva i obuku kadrova, testiranje i puštanje u rad elektronskog sistema za registraciju. Sličan sistem koji je razvijen i implementiran u Brčko Distriktu će svakako poslužiti kao dobra osnova za razvijanje digitalnog sistema registracije preduzeća u FBiH.

Koje aktivnosti su neophodne za postizanje ovog cilja:

1. Uvođenje integrisane online registracije poslovanja i povećanje broja registrovanih preduzeća za 10 odsto uz skraćivanje procesa registracije na samo tri dana za sve vrste društava sa ograničenom odgovornošću d.o.o. (isključujući akcionarska društva AD)
2. Smanjenje troškova registracije za preduzeća i smanjenje vremena čekanja na registraciju (Prema CCS metodologiji i primjenom indikatora uštede troškovi će biti smanjeni za ukupan iznos do 1 milion USD, a vrijeme čekanja za registraciju za 30 odsto)

LIFE projekat je u potpunosti komplementaran sa "Projektom tretiranja dugova" koji finansira švicarski Državni sekretarijat za ekonomske poslove SECO – gdje finansira?. Projektne aktivnosti će pružiti realnu osnovu za praćenje statusa kompanija od pokretanja poslovanja do poslovnih rezultata. Kroz sistem izvještavanja, donatori će biti informisani o napretku i konkretnom uticaju koji implementacija sistema online registracije ima na samostalne obrtnike. (nikako ne bih stavila donatori – već parteri koji podržavaju projekat imat će uvid u njegovom napretku i konkretnom uticaju...)

KORISNICI ONLINE SISTEMA ZA REGISTRACIJU

Uvođenje sistema online registracije značajno je kako privatnom, tako i javnom sektoru.

Najvažniji korisnici projekta svakako su preduzetnici kojima će proces registracije biti znatno ubrzan i olakšan.

Projekat će donijeti brojne koristi za institucionalne partnere, dok će zaposlenima u institucijama FBiH biti pružena sva logistička i edukativna podrška.

. Nema potrebe da ponavljamo – ima u boksu.

Aktivnosti se realizuju uz blisku saradnju sa međunarodnim partnerima koji sprovode ili zagovaraju reformu digitalne transformacije uključujući EU, UNDP, USAID.

JEDNAKE ŠANSE ZA PREDUZETNIKE I PREDUZETNICE

Projekat će bitno olakšati proces registracije preduzeća, kako za preduzetnike, tako i za preduzetnice, stvarajući jednake mogućnosti. Želeći bitno unaprijediti učešće žena u poslovnom okruženju u BiH, kroz projekat će se pratiti broj žena preduzetnica, ali i onih koje aktivno učestvuju u projektnim aktivnostima i obukama.

SAŽETAK PROJEKTA:

NAZIV:

Projekat stvaranja savremenijeg investicionog okruženja: Implementacija online sistema registracije poslovanja u Federaciji Bosne i Hercegovine

DOMENA:

Unapređenje online poslovanja

ZEMLJA / REGIJA:

Federacija Bosne i Hercegovine

PARTNERI:

Vlada FBiH, EU, UNDP, USAID

POLAZNA TAČKA / POZADINA:

Poslovne prakse u BiH su nedovoljno transparentne, brze i pouzdane da bi privukle domaće i strane investitore. Proces registracije preduzeća, kao prvi korak poslovanja, iziskuje digitalnu transformaciju, kako bi se stvorilo plodonosnije i prijemčivije investiciono okruženje. U RS i Distriktu Brčko su implementirani sistemi za online registraciju preduzeća, dok je u FBiH ovaj proces i dalje u radnoj fazi.

CILJ PROJEKTA:

Cilj projekta je digitalna transformacija poslovanja u Federaciji BiH kako bi se unaprijedile birokratske procedure u oblasti odnosa vlada i biznisa (G2B). Implementacijom projekta će se bitno povećati transparentnost pružanja poslovnih usluga i stvoriti preduslovi za prosperitet i rast privrednog sektora uz koncept "klik za registraciju".

CILJNA GRUPA:

Ministarstvo pravde FBiH, Federalno ministarstvo razvoja, poduzetništva i obrta, Porezna uprava FBiH, 10 kantonalnih sudova za registraciju privrednih subjekata (Sarajevo, Odžak, Novi Travnik, Mostar, Livno, Goražde, Bihać, Zenica, Tuzla, Široki Brijeg), 79 općina u FBiH, preduzetnice i preduzetnici

BUDŽET:

1060 000 USD, od čega 1000 000 USD (MCICP)

TRAJANJE:

Preliminarna pripremna faza projekta:

1.2.2021-31.5.2021.

Trajanje projekta:

1.6.2021 – 31.8.2021. godine

Zajedno ubrzavamo napredak



eda.admin.ch/sarajevo



[SwissEmbassySarajevo](https://www.facebook.com/SwissEmbassySarajevo)



[SwissEmbassySarajevo](https://www.instagram.com/SwissEmbassySarajevo)



[SwissEmbassySarajevo](https://www.youtube.com/SwissEmbassySarajevo)



[SvicarskauBiH.ba](https://www.svicarskauBiH.ba)